

PARA PA E BÈRDAT



Lès 4 pa Aprel 27, 2024






“ Y meskos ku Moisés a halsa e kolebra den desierto, asina tambe e Yiu di Hende mester wòrdu halsá, asina ku ken ku kere den djE lo no peresé pero tin bida etèrno ” (Juan 3:14, 15, Bs)



Daniel i Revelashon ta anunsiá (proklamá) un tempu durante kual Satanás lo huza poder politico-religioso pa persigui i destruí esnan kende a para firme den e bèrdat.

E poder aki “ a benta e bèrdat abou” (Dan. 8:12). Na e tempu ei “ Algun di e sabínan lo trompeká, asina ku nan lo por wòrdu refiná, purifiká i wòrdu hasí sin mancha te na e tempu di e fin, pasombra esaki lo bini ainda na e tempu stipulá.” (Dan. 11:35)

Durante di e periodo aki – e Siglonan Skur – e bèrdat a wòrdu interogá (kuestioná). Pero tabatin hendenan kende a sali na defensa di e bèrdat, i tabata dispuesto pa duna nan bida pa esaki.



E bèrdat interogá (kuestioná):

- Tempunan di persekushon.
- Fidelidat den e persekushon.

E defensa di e bèrdat:

- Kompartiando e Beibel: E Waldensenan.
- E strea di e reforma: Juan Wycliffe.
- Fortalesé dor di fe: Juan Huss i otronan.

**E BÈRDAT
INTEROGÁ
(KUESTIONÁ)**

TEMPUNAN DI PERSEKUSHON

“E lo papia kontra e Haltísimo i lo oprimí su pueblo santu i lo purba pa kambia e tempunan butá i e leinan. E pueblo santu lo wòrdu entregá den su mannan pa un tempu, tempunan i mitar di un tempu.” (Daniel 7:25)

E period di persekushon a wòrdu anunsiá na tres diferente manera

<p>“tempu, tempunan i mitar di un tempu ” (Dan. 7:25; 12:7; Rev. 12:14)</p>	<p>1,260 dia (Rev. 11:3; 12:6)</p>	<p>42 luna largu (Rev. 11:2; 13:5)</p>
---	------------------------------------	--

E palabra “tempu” ta sinónimo ku “año,” mientras ku e palabra “tempunan” huzá dor di Daniel ta nifiká literalmente “ dos tempunan ”.

$$1 \text{ año} + 2 \text{ año} + \frac{1}{2} \text{ año} = 3 \frac{1}{2} \text{ año}$$

$$12 \text{ luna} + 24 \text{ luna} + 6 \text{ luna} = 42 \text{ luna}$$

$$42 \text{ luna} \times 30 \text{ dia} = 1.260 \text{ dia}$$



Tantu den tempu di antiguo i awe, e durashon genérico di un luna a 30 dia:

$$42 \text{ luna} \times 30 \text{ dia} = 1.260 \text{ dia}$$

Tur ekspreshonnan ta indiká un periodo singular(úniko) : 1,260 dia.


Bou di e lei di “dia pa año ” (Eze. 4:6; Num. 14:34), e periodo aki di persekushon ta midi 1,260 año di historia .

TEMPUNAN DI PERSEKUSHON

“E lo papia kontra di e Haltísimo i lo oprimí Su pueblo santu i lo purba pa kambia e tempunan butá i e leinan. E pueblo santu lo wòrdu entregá den su mannan pa un tempu, tempunan i mitar di un tempu ” (Daniel 7:25)

Ki periodo històriko e persekushon di 1,260-aña anunsiá dor di Daniel i Revelashon ta kubri?

Ora ku dies reino polítiko a lanta for di Roma (e tribunan ku a invadí e imperio), un otro reino lo aparesé i tumba tres di e dies reinonan (Dan. 7:23-25).



Manera a wòrdu profetisá, Dios a prepará un lugá pa yuda e iglesia fiel: e desierto(wustein), esei ta, lugánan eskasesmente habitá(okupá) (Rev. 12:6, 14).

Den e tempu di difikultatnan i persekushon, kreyentenan fiel a para firme den defensa di e bèrdad, tumando refugio den e amor i kuido di Dios (Salmo 46:1-3).

Desafortunadamente , hopi mester a paga pa nan lealtat ku nan sanger.


E Iglesia Romano a optené poder politico ora ku tres tribu ku a brasa Arianismo a wòrdu derotá: Heruli, Vandalnan i Ostrogotnan

Aña 538




E general Franses Berthier, bou di e òrdunan di Napoleon, ta tuma e Papa di Roma komo prishonero, finalisando e supremasia di e Iglesia Romano

Aña 1798



FIELDAT DEN E PERSEKUSHON

“ Amigunan stimá, ounke mi tabata masha ansioso pa skirbi na boso tokante di e salbashon ku nos ta kompartí, mi a sinti obligá pa skirbi i urgi boso pa lucha pa e fe ku un bes i pa semper a wòrdu enkargá na Dios Su pueblo santu ” (Judas 1:3)



Ora ku el a gana poder politico, e Iglesia Romano a kuminsá su poder pa eksigí ku tur hende konsentí ku esaki su preseptonan religioso, di kual hopi di nan a wòrdu pervertí.

Agregá na esaki tabata korupshon kresiente entre e liderasgo religioso. Pa prevení e masanan di rebeldiá kontra di su outoridat, el a kita for di nan e kos di mas presioso: E Palabra di Dios.

Pero é no por a destrui esaki kompletamente. Fielnan a lanta kende, guiá dor di siñansanan bíbliko i siguiendo e konseho di Judas, a bringa vigorosamente pa defendé nan fe (Judas 1:3).

Animá dor di e poder di e Palabra, sin miedu nan a plama ampliamente esaki su siñansanan. Fortalesé dor di promesanan manera Revelashon 2:10, nan tabata fiel te na morto, sabiendo ku nan lo risibi e korona di bida.



E DEFENSA DI E BÈRDAT

KOMPARTIENDO E BEIBEL: E WALDENSENAN

“ Pedro i e otro apòstelnan a kontestá: ' Nos mester obedesé Dios mas ku sernan humano' ” (Ecchonan 5:29)

Pedro Waldo (1140-1218), un negoshante Franses riku kende a renunsiá su rikesa pa predika Kristu, a funda e movementu “ Pober di Lyon ”, konosí komo “Waldenses.” Papa Alexander III a aseptá su huramentu di pobresa.

Djis(pronto) despues, Francis di Assisi (1181-1226), kende tambe a hasi un huramentu di pobresa, aprobá dor di Papa Innocent III, a funda e movementu Fransiscano.

Pa e tempu ei, Papa Lucius III a kondená e siguidornan di Pedro Waldo komo herehenan. Sinembargo, e Fransiscanonan a bira un pilar di e Iglesia Romano mientras e Waldensenan a wòrdu persiguí na serka(kasi) ekstinsjon(anikilashon). Pakiko?

Pa nan fieldat. E proménan tabata fiel na e Papa, mientras esnan delaster tabata fiel na e siñansanan di e Beibel.



KOMPARTIENDO E BEIBEL: E WALDENSENAN

Kiko a karakterisá e Waldensenan?




Nan tabata e promé nan pa tin e Beibel disponible den nan propio idioma (te na e tempu ei, esaki tabata disponibel solamente, na Latin, Griego òf Hebreo).



Pasombra e tabata un buki prohibí, nan a kopi'é den kuebanan, skondiendo esaki for di katóliko romanonan kende tabata rondoná(ensera) nan.



Semper nan tabata hiba(karga) porshonnan bíbliko huntu ku nan ku, na momentunan oportuno, nan tabata kompartí ku otronan, dunando nan speransa i enkurashamentu den Señor.



Nan a preservá e bèrdatnan bíbliko ku nan tabata konosé pa siglonan. Nan tabata konosí pa nan fieldat i devoshon.




Pueblonan kompleto tabata wòrdu kombertí tantu den e sur di Fransia komo den e nort di Italia, Piedmont.



Majoria di e pueblonan aki a wòrdu bashá abou na suela dor di e gobernashon di papa di Roma, i nan habitantenan a wòrdu masakrá (matá na abundansia).

E LUS DI E REFORMA: JUAN WYCLIFFE

“ E kaminda di e hustu ta manera e lus di marduga, ku ta briya mas i mas te ku e dia ta kompletu (te ora ku bira di dia kla) ” (Proverbionan 4:18 NIV)



Juan Wycliffe (1324-1384) a dediká hopi di su bida na tradisiendo di e Beibel na Ingles. Kiko a motiv'é pa hasi esaki? Dos motibu(rason): Kristu a transform'é dor di e Palabra; i é kier a kompartí e amor di Kristu ku otronan.

Esun, kende sinseramente ta studia e Beibel, i ta habri su kurason na e influensia di e Spiritu Santu, ta wòrdu transformá (Heb. 4:12).



Naturalmente, esaki a tresé den konflikto ku e Iglesia ofisial. Danki na su kontaktonan ku ofisialnan haltu na Inglatera, Juan a evitá morto na man di e Iglesia.

Na 1428 e reformadó su restunan a wòrdu kimá, I su shinishinan a wòrdu tirá den e riu. Su shinishinan plamá a bira un símbolo di su herensia.

E lus chikitu di bèrdat ku Juan Wycliffe a sende a yega Bohemia, kaminda Juan Huss a tuma su herensia. Di e manera aki, e bèrdat a traha su kaminda te ku e ourora(habrimentu di dia) di e reforma. E dia tabata kuminsá bira kla.



FORTALESÉ DOR DI FE: JUAN HUSS | OTRONAN

“Ken ku tin e Yiu tin bida; ken ku no tin e Yiu di Dios no tin bida” (1 Juan 5:12)

Despues di Juan Wycliffe, otro reformadónan a lanta:

Kiko a duna nan kurashi pa realisá nan reformanan i enfrentá problemanan i morto?



Juan Huss
(1370-1415)




Jerome
(1360-1416)



Tyndale
(1494-1536)



Hugh Latimer
(1490-1555)



Nan a kere den e promesanan di Kristu

E forsa di Kristu tabata suficiente pa nan vense e pruebanan

Nan a haña goso den partisipá den e sufrimentunan di Kristu

Su fieldat tabata un testimonio poderoso na e mundu

Nan a wak mas aya di e presente, na e futuro glorioso

Nan tabata sa ku morto tabata un enemigu derotá

Nan a tene duru na e promesanan di Dios Su Palabra

Juan Huss a wòrdu enkarselá i eventualmente kimá na e staka. For di prizon el a skirbi: “kon misericòrdioso Dios tabata ku mi, i kon admirabelmente El a sostené mi.” Meskos ku Dios Su promesanan a sostené Su pueblo den pasado, nan ta sostene nos awe.

“ Tur kende den e dia malu ei lo sirbi Dios sin miedo según e mandatonan di konsenshi, lo tin mester di kurashi, firmesa, i un konosementu di Dios i Su palabra; pasombra esnan kende ta berdadero na Dios lo wòrdu persiguí, nan motibunan lo wòrdu kritiká(ataká), nan mihó esfuersonan malinterpretá, i nan nòmbernan tirá afó komo malu(perverso). Satanás lo traha ku tur su poder engañoso pa influensiá e kurason i nubla e komprendementu. [...] Mas fuerte i mas puru e fe di Dios Su pueblo, i mas firme nan determinashon pa obedesÉle, mas ferosmente Satanás lo lucha pa konmové(eksitá) kontra di nan e rabia di esnan kende, mientras nan ta reclama di ta hustu, ta trapa riba e lei di Dios. Esaki lo rekerí e konfiansa di mas firme, e propósito di mas heroiko, pa tene na e fe entregá un bia na e santunan.”